



# Shash Petapan

Tipatshimun 4 - uinasku-pishim<sup>u</sup> 2023

## ESHI-UANAUIPANIT TIPATSHIMUN ANITE MAMUITUN PETAPAN

31 uinashku-pishim<sup>u</sup> ka tshishtauakan, innu utshimauat, Essipit, Nutashkuan mak Mashteuiatsh uitamupanit neshtutatunanit ashit Tshishe-utshimatash Canada ne ka natapishtatunanshash eshpish neunuepipuna.

Ek<sup>u</sup> anite Uepishtukueiau tshishe-utshimatash, eshk<sup>u</sup> tshika ui ashupimanuat minuat umue tatuminashtakana tshetshi itakanit kie uinuau tshishtapanu atushkannu.

Anitshenat Uepishtukueiau tshishe-utshimatash natuenitamupanit tshetshi ashupimanitau usham ui tshishtapanitauat anite uinuau pitakamit etaht, lat ma, ka uitak ne ka takueitshet Uepishtikueiau-tshishe-utshimatash François Legault, miam nenu ka apamishkat tshetshi kaut tshimanan, ka takuatshinit, kie kaut uitamupan ka issishueniti utshimama, tshishe-utshimau ka uitatussemahit innua lan Lafrenière, ashkuaiet katshishtauakan tshishe-pishim<sup>u</sup> 2023

Espaces autochtones, nete ka mashinaitshet article du 31 mars, mashinataimueu ka ishishueniti nenua tshishe-utshimau Lafrenière : « Innu-utshimauat anite Petapan mitshet natshishkuepan ka tshimananiht kupanishat anite Uepishtikueiau assi, uitshikupanit anitshenat, tshetshi nishtutahk eshpishanit mak tshe ishi katshitinakau anite Nishtutatun. Muk eshk mishau atushkan tshe ishi-mamaunakan anite mashinaikanit mak tshe ishi-tshishkutamatunan ne atusseun ».

Ka mashinaikan tshipatshimun ne 31 uinashku pishim<sup>u</sup> 2023, innu-utshimau Essipit uitam<sup>u</sup> : « Nitapuetenan Tshishe-utshimatash tshetshi utinahk tatumanashtakana ua ashu-ashtat aimunnu, muk, ninan, shash nishaputueshpanan atusseun. Ne etanan uapatinitsheu katakueitshet Tshishe-utshimatash Legault ashit nenu ukatshishe-utshimateshima, ka pushupaniht anite ka tshishtapanitakanit atusseunnu Nishtutatun. Anutshish uin takunam<sup>u</sup> etananit atusseunnu mak nitashuapamanan tshetshi uipat natshishkauiamiht ».

**Apu mashinatauishunan  
Nishtutatun eshku ka 2024 kie  
ma 2025 ka itashtet pipun.**

Innu-utshimauat shaputuepanuat ka utinahk aimunnu, tshetshi tshitshipanit tshe uitamuanit innuat mak tshe ka tshienimatuht aimunnu.

Niuitenan minuat, apu mashinatauishunan an uapaki ne atusseun Nishtutatun. Kie apu tshika tshi ishinakuahk eshku ka uitamuanit innuat anitshenat e nishtiki innu-assia, tshika ui mashinatauishuht tshetshi uitakan tiapuetakan kie ma mauat ne atusseun Nishtutatun.



# MINAT TSHE ITATUSSENAN: TSHIKA NATSHISHKUANUAHT INNUAT.

Tshe itatussenan anite eshpishipan atushkan eukuan tshe uauitamuanit mak tshika tshiuenimatunanu aimun anite innu-assia, tshetshi nishtutakau innuat, tan tshe ishi-takaukuht mak tshekuan anite meshinataikan anite atusseun Nishtutatun. Eukuan tshe takushipan tshetshi uinishunan ne tiapuetakanmashinaikan, umue 12 nuasht eshpesh 18 tatupishimua tshika ishpishipannu atushkan, tapuetakau anitshenat e nishtit katakueimatahk innu-utshimauat.

Tshi uinishunaniti tiapuetakan mashinaikan, eukuan minat tshe itatussenan, tshikamashinatauishunanu anite e nishtiki innu-assia. Eukuan tshe tshishtapan ka mashinatauishunan tshetshi ma tapuetakanikue kie ma mauat ne atusseun Nishtutatun. Innuat mak tshishe-utshimatash tshika nishtutatuat tshetshi katipan ishpishipanit. Apu tshika tshi mashinatauishunan uapaki muk eshk<sup>u</sup> nitatussenan!

**MAMUITUN PETAPAN TSHIUENAM KA KUKUETSHITSEMIEK KIE MA TAPUENANU AKIE MA APU TAPUENAN :**

***Ka kuetshitshemunan umue pishim<sup>u</sup> :***

**Tshekuan ma atusseun nishtutatun natapishtatunan eshku ka uitamuanit innuat?**

Tshetshi minu-uapatinitshenan atusseun meshat mak tshe uauitamuanitau anitshenat innuat, tshika ui minutakannu atusseun e shutshikapaut ashat ka uitatussemanit miam anitshenat Utauau tshishe-utshimatash mak Uepishtikueiau-tshishe-utshimatash. Umue anutshish e uitakan atusseun nishtutatun natapishtatunanipan ashat Utauau tshishe-utshimatash mak Uepishtikueiau-tshishe-utshimatash mak innuat. Eshk nanakuan tshetshi uinishunan, tanite tshika ui minu-uitamuanuat innuat. Tshika takuan tshetshi mitshetuat natshishkatunan eshku ka utinakan mashten aimun miam nete mashinatauishunaniti. Eku ute tshe uinishunan Nishtutatun mak tshe tshitshipan atusseun.

**Passe tipatshimuna iapataki :**

- Atusseun Nishtutatun Petapan, ishi-uatakannu miam ushkat katshitshipan atusseun, mashinataikannu anite aianishkat Nishtutatun, nasht eka takuannit tshetshi ashtueikanit utipenitamun Innu mak eka takaukuht kutakat Innuat anite utipenitamunau.
- Atusseun Nishtutatun nanitam tshika mishituepannu kie mashinateu anite kaut ua nishtutatunan anite tshishe-utshimatash mak innuat. Atusseun Nishtutatun pushupannu anite tipaikana Déclaration des Nations Unies sur les droits des peuples autochtones (DNUDPA) kie tshe ishi-mishituepan ne atusseun Nishtutatun tshika nashatamueu nenu
- Atusseun Nishtutatun, 23 itatina katipan uiauitakaniti anite mashinaikanit. Eukuan passe uiatakaniti :
  - Ne tshe ishi-nakatuenitakan mak tshe ishi-nukutakan nutem eshinakuanit innu utinniun. Miam innu-aitun, innu-aimun, ka natuapassenan, eshinikateti natau-assia, kie kutak tshekuan.
  - ·Ne tshe ishi-uitakan assi. Miam ne innu-assia, assi ka nakatuenitakan tipatshimun mak tshe aitapashtakan kie tshe ishi-kaniu-uatshenan assi
  - ·Ne tshe ishi-takuaimatakan innu-aitun
  - ·Ne tshe ishi-kukuetshimitanan kie tshe ishi-minushkakunan ne assi uaitakaniti.
  - ·Ne tshe ishi-takuaimatshet Innu Tshishe-Utshimau
  - ·Ne tshe ishi- takuaimatakan shunian
  - ·Ne tshe ishi-minan kie tshe ishi-katshitinahk Innu Tshishe-utshimau shunianu.
  - ·Ne tshe ishi-pakassiuht Innuat.
- Innu Tshishe-utshimau tshika tshi atusseuatsheu mitshet eshi-pukutat anite innu-assi tepenitak kie kutaka tshe ishi-aimuatakan Nitassinan, e takaitshemakaki utipenitamunau, utinnu-aitunnuau mak e ishi-nishtuapimakan innu.

